



**Fordi fellesskap  
fungerer**

## Vi går til val for fellesskapet

Vi kan alle bli ramma av sjukdom eller arbeidsløyse. Da treng vi eit fellesskap som tar vare på oss.

Samfunn bygd på samarbeid og likeverd er meir rettferdige enn samfunn basert på konkurranse og egoisme. Fordi fellesskap fungerer. Derfor er kampen mot forskjells-Noreg den aller viktigaste saka for Raudt.

Vi kan ikkje ta fellesskapet for gitt. Dei som veks opp i dag, kan bli den første generasjonen som får det meir utrygt enn foreldra sine. Fellesskapet er trua av større forskjellar, privatisering og velferdsprofitørar. Alt det vi har bygd opp i Noreg – tryggleiken, velferda og det sterke fellesskapet står i fare.

Det gjer at makt og moglegheiter blir urettferdig fordelt. Folk blir sorterte etter storleiken på lommeboka. Heldigvis er det mogleg å snu utviklinga. Lat oss gjere valet i år til eit vendepunkt for forskjells-Noreg.

### Raudt jobbar for:

- **Profittfri velferd:** (Les meir på neste side.)
- **Eit rettferdig skattesystem:** Auka skatt på høg inntekt og formue, arveavgift med høgt botnfrådrag og auka skatt for selskap som går med store overskot.
- **Fullverdige lokalsjukehus og fødetilbod over heile landet,** framfor meir sentralisering.
- **Kamp mot arbeidsløyse:** Fleire grøne arbeidsplassar innan industri og fornybare næringar, og utvida dagpenge-periode.
- **Fast jobb og trygge forhold:** Forbod mot bemanningsbyrå og handelsavtale i staden for EØS.
- **Dobla barnetrygd** for å motarbeide fattigdom.

Les meir på [raedt.no/forskjells-norge](https://raedt.no/forskjells-norge)

Bjørnar Moxnes og Synne  
Oslo og Nordland. Foto: B







Yvonne Høyforsslett Bjørnbæk, Raudt sine førstekandidatar i  
foto: Brage Aronsen.

## Profittfri velferd

- Velferdstenester som barnehage, eldreomsorg og barnevern skal drivast utan profitt
- Skattepengane skal gå til velferd, ikkje ende i eigarane sine lommer
- Vi vil utbetre velferdstilboda gjennom samarbeid og tillit til dei tilsette. Ikkje konkurranse, lønnspress og detaljstyring.

Alle er einige om at skuleeigar ikkje skal få ta ut profitt. Det er eleven som skal stå i sentrum, ikkje å kutte kostnader. Kvifor er det ikkje slik for barnehagar, barnevern og andre velferdstenester også?

I Tromsø, Trondheim og Oslo har Raudt fått slutt på nye kommersielle barnehagar. No skal vi ta med oss kampen for profittfri velferd inn på Stortinget.



Les meir på  
**[raudt.no/profittfri-velferd](https://raudt.no/profittfri-velferd)**



Benedikte Pryneid Hansen, partisekretær i Rødt. Foto: André Løyning.

## Amerikanske soldatar ut, norske soldatar heim

- Styrk militæret si evne til å forsvare Noreg, ikkje drive angrepskrig
- Avbryt kjøpet av amerikanske angrepsfly
- Nei til amerikansk militærbase på Værnes

Det er viktigare enn på lenge at Noreg bestemmer sjølv i utanrikspolitikken. NATO og Russland er i gong med eit nytt våpenkappløp, og verda har alt å tape på høgare konfliktnivå. Derfor må vi lausrive oss frå NATO og USA og heller vere ein pådrivar for forsoning og nedrustning. Bomber skaper ikkje fred og demokrati, vi må satse på løysingar i FN sin regi.



Les meir på  
**[raudt.no/forsvarspolitik](http://raudt.no/forsvarspolitik)**



## Fornybar framtid

- Trappe ned olje- og gassindustrien
- Bruke kompetansen til dei som jobbar i olje- og gassindustrien på oppbygging av ny miljø- og klimavennleg industri
- Oljefritt Lofoten, Vesterålen og Senja

Stadige krav om meir profit og meir forbruk, er i ferd med å øydelegge jorda. Barna våre vil vekse opp i ei farlegare verd på grunn av global oppvarming. Derfor hastar det å bygge opp grøne næringar i takt med at vi trappar ned oljeindustrien. Noreg må vise at det er mogleg å ha eit velferdssamfunn utan å øydelegge miljø og klima.



Les meir på  
**[raudt.no/miljo](http://raudt.no/miljo)**



Marie Sneve Martinussen, 1. nestleiar i Raudt.  
Foto: André Løyning.



Marielle Leraand, kvinnepolitisk leiar i Raudt.  
Foto: André Løyning.

## Del på arbeidet

- Meir likestilt arbeidsliv
- Meir fritid framfor meir forbruk
- Fleire kan stå i jobb

Dagens arbeidsliv er lite tilpassa at begge foreldra jobbar fulltid. Ofte endar kvinner opp med deltid for å få det til å gå rundt. Det bidrar til lønsforskjellar, kvinner taper pensjon og blir meir avhengige av mannen si inntekt. Raudt vil gradvis kutte arbeidstida, slik at seks timar blir det normale. Det vil gjere det lettare å kombinere full stilling med familie og fritid.



Les meir på  
**[raudt.no/sekstimersdag](http://raudt.no/sekstimersdag)**



## Felleskap på tvers av grenser

- Gi einslege mindreårige asylsøkarar permanent opphald
- Seie opp Tyrkia-avtalen som hindrar flyktingar i å komme til Noreg
- Ingen skal fråtakast statsborgarskap

Ikkje sidan den andre verdskrigen har så mange menneske vore på flukt. Noreg må ta sin del av ansvaret. Vi har råd, rom og plikt til å ta imot menneske på flukt og til å sørge for at alle som bur her får delta i samfunnet som likeverdige borgarar, utan rasisme og diskriminering.



Les meir på  
**[raudt.no/asylpolitikk](https://raudt.no/asylpolitikk)**



Mariette Lobo, leiar av antirasistisk utval i Raudt. Foto: André Løyning.

## Dei med mest makt i Noreg er aldri på val

Noreg er ikkje eit fullkomme demokrati. Noreg blir styrt, ikkje berre av dei folkevalde, men også av EU-reglar, mektige kapitalkrefter og ein styringselite som aldri er på val. I dagens Europa ser vi tydeleg korleis kapitalismen står meir og meir i motsetning til demokratiet. Folkestyret er under press.

### Det betyr ikkje at det er umogleg å forandre Noreg.

Det betyr derimot at kampen for eit vendepunkt handlar om noko meir enn å stemme annakvart år. Derfor vil vi bygge ei folkerørsle. Ei rørsle som kan vere ei motvekt til andre som legg press på politikarane. Bli med i kampen for fellesskap og rettferd:

#### Støtt Raudt sin valkamp

Vipps valfri sum til 10303,  
eller sjå **raudt.no/bidra**.

#### Bli valkampfrivillig

Registrer deg på  
**raudt.no/bidra**

#### Bli medlem

SMS: Rødt + navn og adresse  
til 2434 eller sjå  
**raudt.no/innmelding**

Foto: Brage Aronsen.



**raudt.no**



**fb.me/roedt**



**@stemroedt**



**Fordi  
fellesskap  
fungerer**